
INFORMACIJA O SASTANKU SA AGENCIJOM „SIGMA „

Dana 4.februara 2010.godine u prostorijama Udruženja poslodavaca FBiH i APBiH organiziran je razgovor sa predstavnicima Agencije „SIGMA“ koju je angažirala Evropska komisija iz Brisela. Tema razgovora je bila primjena Zakona o javnim nabavkama i o borbi protiv korupcije u Bosni i Hercegovini.

U razgovorima su učestvovali predstavnici poslodavaca iz Federacije BiH i Distrikta Brčko. Predstavnici poslodavaca su iznijeli veliki broj primjedbi i primjera kršenja ovog Zakona , koje se uglavnom odnose na raspisane tendere u kojima se propisuju uslovi kroz koje se na najočigledniji način favorizuju kompanije sa kojima je već prethodno uspostavljen dogovor o njihovom angažovanju u poslovima koji su predmet tendera.

Zajednička je konstatacija da se kroz propisane uslove tendera eliminiraju svi drugi potencijalni ponuđači i da u tenderskoj dokumentaciji samo nedostaju fotografije dobitnika tendera ili njihov memorandum.

Prisutni su iznijeli i veoma ozbiljne primjedbe na rad Ureda za žalbe, koji zbog nedovoljne određenosti u Propisima po kojima ovaj Ured radi, postupak odlučivanja po žalbama razvlače mjesecima i ne donose odluke zbog kojih trpe štete i oni koji su proglašeni pobjednicima na tenderu i firme koje su nepravilno rangirane, ali i naručiocu poslova iz oblasti Javnih nabavki. Konstatovano je da je u oblasti javnih nabavki u najvećoj mjeri prisutna korupcija , ali ne samo u njoj. Generalno govoreći o sveprisutnoj korupciji date su mnoge primjedbe.

Predstavnici „SIGME „ su postavili pitanje o tome na koji način se poslodavci bore protiv korupcije i da li organima policije i tužiteljstvu podnose žalbe ovim institucijama. Data im je informacija o podnesenim prijavama na primjeru usvajanja urbanističkog plana grada i informaciju o svim vrstama pritiska, šikaniranja i prijetnji i ucjena na one koji se odluče da se konačno usprotive pojavama korupcije i organiziranog kriminala.

„SIGMA“ će sve naše primjedbe kroz svoj izvještaj prezentirati Evropskoj komisiji u Briselu.

Zahvaljujući se prisutnima na svim sugestijama i primjedbama koje su iznijeli na ovom sastanku, poželjeli su nam uspjeh u našoj borbi protiv korupcije uz napomenu da će ta borba biti i duga i naporna, ali će se rezultati konačno vidjeti na kraju i afirmirat će naše napore.

Alija Remzo Bakšić